



Vun frieher un heit for Bensmer Leit
Bergsträßer Anzeigebblatt 19.11.1949



Es Gebiß



Es Wort „Gebiß“ kimmt vun beiße. Es Wärtche „bissig“ henkt aa doodemit zamme. Kaans kann ohne Gebiß „beiße“, awwer „beiße“ kommer, ohne „bissig“ ze soi. Es is an de Hand vun veele „oalde Jungfern“ feschedgeschdellt worrn, daß Leit, die wuu kaa Gebiß mäih häwwe, oft bissiger soi kenne als wie die, wuu noch räächd gut „beiße“ kenne.

Jeerenfalls isses Gebiß bei de Mensche un bei de Diern en oik wichdige kerberliche Beschdandaal. Bei de Diern isses sogoar e Unnerscheidungsmäikmoal, bei de Mensche — maaschdendaals aa. Es gitt nadierliche Gebisse un kinschdliche Gebisse. Die nadierliche sinn die beschde un die kinschdliche sinn die deierschde. Es Gebiß beschdäiht hauptsächlich aus Zee. Bei normaale Mensche sinns zwaaundreißig, Awwer wieveel normaale Mensche gitts dann noch? Ja, die Zee. Ehrn Wärt mäikt mer ärschd dann, wammer kaa mäih hot, wies bei sou veel annern Sache im Lääwe aa de Fall is. Hot morse noch, wärd veel ze wenig druff gäwwe. Wemse vor de Zeit ausfalle dunn, dem geschichts Räächd. Däsjenige hett joo aa frieher drumm laafe kenne. Mancher braicht dann heit net mit sourer Zeeraffel rumzerenne. Wie muß däs frieher ärschd gewääst sol, zu däre Zeit, wuu mer liewer glei geschdorwe is, als daß mer sich en Zoo hot zieje losse. Freilich woar däs veschdennlich. Doo is mer, wanns goar net mäih annerschd gange is, ärschd mool in e Wärtsrnaft gange un hot sich mit Alkehool bedeiht. Dann is mer zum ärschde beschde Balwierer geloffe. Je noachdem, wie mers groad getroffe hot, hot där den bäiße Zoo entweerer mirrere oalde Zang, die wuu mime loinerne Labbe umwiggelt waar unner allerhand Besendigungsworte rausgerobbt — aus Vesähe leirer manchmool aa de falsche — orrer er hot den richdige Zoo mirrere feschede Zoggerhutkordel an die uff Loadedier ougebunne un die ineme uubewoachte Aageblick haamdickig zugeschmesse.

Heit is däs alles ganz annerschd worrn. Heit häwwemer Leit, die wuu uff Zee schduriert sinn. Die bediene aam sou heeflich un schmärzlous, daß mer ganz vedutzt ausem Weißzeik raus in die Wält guggt wannmer den bäise Zoo vor die Noas gehoalte kriecht un schunn alles vebei is, wuu mer awwel noch mit Zärrern un Zeeklebberrn drou gedenkt hot. Aus dem friehere Lamendo is es roinschd Vegnieje worrn. Freilich kimmt heit manchmool däs Lamendo als noch hinnehär, neemlich — wammer die Rächnung ins Haus geschickt kriecht.

Trotz dem grouße Fortschritt inde Neizeit is de Enschluß, zum Zeedokder ze gäih for manche Leit aa heit noch en groußer. Däs kimmt vunde Engschde, die wuu vun ande Duwagg här mit dem Wort „Zeedokder“ vebunne sinn. Es soll wäiklich schunn vorkomme soi, dasses Zeewäih vor laurer Engschde vegange is un zwoar in dem Aageblick, wuumer sich in den grouße Aarmsässel gehockt hot un dann sou duusemaache hinne runner gelosse is worrn.

Vor dem Aageblick hot aa die Bawädd gezärrert. Drumm hotse jeeresmool, wannere en Zoo wäih geduu hot, gesoat: „Naa, naa! Liewer net!“ Un se hot sich dann mit dem Gedanke getreeschd: „Där gäiht aa ohne Zeedokder raus.“ Un wißter woas? Se hot jeeresmool Räächd behoalte — sou lang, bisse en fäichderliche Schdaabruch gehadde hot un nor noch zwaa „Fangzee“ iwwrig blewwe sinn. Wie die aa noch oabgebroche woarn, woarse ehr nadierlich Gebiß uff die nadierlichste Aart un Weis lous.

Zum kinschdlidie Gebiß hotse sich awwer unner kaane Umschdenne veschdäih wolle, trotzdem an Gäld net gefehlt hot. Un doch isse noch zu aam kumme. Awwer net wie annern Leit zueme deire, sonnern uff e ganz mäikwändig Aart zu aam for ummesunschd. — Awwer ich will die Koart net vorher verroare. Lääst sälschd!

E Weibsbild, wuu kaa Zee mäih hot
Is wie e Gießkann ohne Zott,
E Madinsässe ohne Gans,
En Kärwesunndosa ohne Danz,
E Drumbeed ohne Mundschdick drou,

En Gaade ohne Laddezou,
E Dach, wuu fehle alle Ziggel,
En Voggel ohne Schwanz un Fliggel,
Korz, äbbes, woas net äbbes is,
Weil äbbes fehlt, woas neerig is.

Die Bawädd woar vun däre Sort.
Ehr letschde Zee woarn lengschd schunn fort.
Es Aesse konnse net vedaue.
Se konn nor uffem Zooflaasch kaue,
Ehrm Mahn konnse die Zee net weise,
Un konnse aa net zammebeiße.
Doo, wuus mool gilt, sich doichzesetze
Un dichdig mool die Schnuud ze wetze.
Mer kennt gewinne jeeri Wett:
E Zeeblickern, däs isse net. —
Es Lache duttse gäärn vemeire.
Ehrn Aublick kennt joo drunner teile.
Es Maul präßt zamme se gewöhnlich
Un sieht goar oik rer Beißzang ehlich.

Es Kallche froagt faschd jeeri Woch:
„Doi Zee, gäll, Mamma, kriehschde noch!“
Un aa ehrn Mann soat oft: „Herrjee!
Loß endlich mache doch doi Zee!
Loß der joo mache e Gebiß,
Noch ehnder dasses Ouschdern is!“

Die Bawädd seschd: „Bin ich en Gaul?
Meer guggt kaan Deiwel näih ins Maul!
In moi Maul kimmt mer kaa Gebiß,
Sou lang ich lääb — däs is gewiß.
Ich konn kaans sähe, moiner Seel!
Ich eekel mich doo veel ze veel.
Vum Troae is ärschd räächd kaa Redd.
Ich konn däs net, ich will däs net!“

Doo bot e Briefel iwwer Noachd
Die Trauerbotschaft härgebroachd,
Die Groußmodder, die weer veschiere.
„Se ruht jetz sanft im ewge Friere.
Un is gewiß im Himmelreich!
Am Mittwoch Middaa is die Leichd.“

Am Mtwoch Moijend moadit mer fort,
Korz vor de Leichd doo is mer dort.
Die Riehrung is net ze beschreiw, e,
Doch konnde Dorschd se net vetreiw, e.
Mer fraat sich fetz schunn uffde Schmaus,
Wuus schbeerer gitt im Trauerhaus.

Un wie? Mer hot sich net gedeischd!
Die Dischplatt hot sich faschd gebeischt.
Die Mannsleit setze Woi jetz druff,
For Weibslleit treegt mer Kaffee uff.
Un bei dem Drinke un dem Aesse
Is ball die Groußmodder vegässe.

Doo, pletzlich dutts en grälle Krisch
Doo vorn dort, an dem Weibslleitdisch.
Die Bawädd schbeizt ehre Kaffee aus,
Schmeißt äbbes aus ehre Keibbche raus
Un rief: Jui Deiwel aa! Däs is
Guggt nor mool här, e falsch Gebiß!
Is däs dann net e Sauerei?“
Ehr Schwäster kimmt jetz schnäll ebei:
„Gott loob, dasses gefunne is
De Ooma selig ehr Gebiß!

Se hots als, vordem se woar krank,
Geleggd in unsern Kicheschank.
Un meischdens in die Kaffeekann.
Meer brauche die nor dann un wann! — —
Ja, wammer wißt, wär groad aans bräicht?
Ei waaschde woas? Deer baßts velleicht!
Mer mannt, es hett sou solle soi.
Nemms nor Blei mit un schdeck ders oi!“ — —

Ob sich die Bawädd jetz noch wäihert?
Ich häbb nix driwwer mäih gehajert. — —

Ob däs am Enn net die Bawädd woar,
wu neilich ehr Gebiß inde Käich hot leie losse.
Se wollts velleicht uff die Oort un Weis wirrer lous wärnn.